

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

Naalackersuisut qinnuigineqarput Diskobugtenimi, Avannaani kiisalu Qeqertarsuup Tunua tamakkerlugu qulimiguulinnik angallassinerup nutaanik qulimiguulinnik atuutilersitsinerup kingorna ingerlaavartumik kinguaattoornerit, taamaatiinnarnerit aammalu teknikikkut ajornartorsiutit pillugit paasissutissanik ersarissunik kiisalu pissutaasut pillugit nassuiaateqaqqullugit, matumani ilanngullugit:

- 1. Nutaanik qulimiguulinnik atuutilersitsinerup kingorna ukiumut teknikikkut kukkunerit aserfallatsaaliuinerillu qanoq amerlatigisimappat?**
 - a. Taakku qanoq amerlatigisut ilaasunut kinguaattoornernik imaluunniit taamaatiinnarnernik kinguneqarsimappat?**
- 2. Ukiumut qanoq amerlatigisunik Air Greenland ingerlatsinermik ingerlaannartitsiniarluni taartaasartunik qulimiguulinnik (AS350, H155 imaluunniit allat) atuisariaqartarsimava?**
 - a. Ilaasut angerlartinniarlugit immikkut aaqqissuussanik timmisartuussinerit/qulimiguulimmik angallassinerit qanoq amerlatigisimappat?**
- 3. 2025–2026-mi qulimiguulinnik angallassinermi ingerlatsinerup patajaassusaa aammalu piffissamik eqqortumik ingerlatsinerit (procentinngorlugu – piffissami eqqortumi ingerlanneqartut vs. kinguaattoortut/taamaatiinnakkat) qanoq issimappat? (kvartalikkaartumik paasissutissat ilanngullugit)**
 - a. Qulimiguulinnik ingerlatsinerup patajaassusaa pillugu naatsorsuutigineqarsimasut naapertorlugit Naalackersuisut aammalu Air Greenland qanoq ersarissunik pitsanngoriaateqarsimappat?**
- 4. Naalackersuisut naapertorlugit ajornartorsiutinut pissutaanerpaat suut tassaappat – assersuutigalugu teknikikkut killeqarfiit, silaannaap pissusaa Issittumi atugassarititaasut, sparepartsiniq pissarsiniarnermi kinguartitsinerit, sulisussaaleqineq, sila pissusaa il.il.?**
 - a. Kinguaattoornerit aammalu taamaatiinnarnerit annikillisinniarlugit isumaqatigiissutit, suliariumannittussarsiuussinerit, teknikikkut tapersersuinerit imaluunniit isumaqatigiissutit allanngortinneqarsimanerat pillugu suut aalajangersimasut aallartinneqarsimappat?**
- 5. Ajornartorsiutit uku peqqinnissamut atatillugu angallassinernut, atuarnernut, inuussutissarsiornermut atatillugu angalanernut, ilaqutariinnut ataatsimoortitsiniarnermut aammalu yderdistrikini innuttaasut inatsisitigut**

pisinnaatitaaffiit qanoq sunniuteqarsimanerat Naalakkersuisut qanoq nalilerpaat?

- a. **Pineqartunut paasissutissiineq, taartaasarnikkut aaqqiissutit aammalu aningaasatigut taarsiissuteqartarneq pillugit Naalakkersuisut qanoq qulakkeerinnippat?**
- 6. **2026-imi aammalu 2030 tungaanut qulimiguulinnik angallassinertup qanoq ineriartortinneqarnissaa Naalakkersuisut qanoq nalilerpaat?**
 - a. **Piffissamik eqqortumik aammalu patajaatsumik ingerlatsineq anguneqassasoq anguniarlugu anguniakkat killiliussallu suut aalajangersarneqarsimappat?**

(Inatsisartunut ilaasortaq Jens NapātôK', Naleraq)

Tunngavilersuutit:

Diskobugtenimi immikkut ittumik qulimiguulimmik H155-imik aserfallatsaaliuinerup sivilisunerata kingunerisaanik kinguaattoornerit annertuut aammalu ingerlatsinerup killeqarnera pilersimavoq, tamatumalu ilaasut ajornartorsiortissimallugit. Air Greenland taartaasartunik qulimiguulinnik (AS350 aammalu H155) atuisariaqartarsimavoq, ilaasullu arlaleriarlutik taamaatiinnarnernik kinguaattoornernillu misigisaqartarsimallutik, tamannalu inooqataanikkut aammalu ulluinnarni sunniuteqartarsimavoq. Air Greenlandip 2025-imi ukiup affaanut nalunaarusiaani ingerlatsinermut atatillugu unammilligassat aammalu patajaassutsip appariarnera oqaatigineqarput, tamannalu ilaasunut sunniuteqartarpoq.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.